



2019-imi akileraarutitigut ilanngaattissat il.il. imatut angissusilerneqarnissaannik Inatsisartut aalajangiinissaannik siunnersuut:

- 1. Inummut ilanngaat.....kr. 48.000 (ukiumut)**
- 2. Ilangaat aalajangersimasoq.....kr. 10.000 (ukiumut)**
- 3. Aningaasarsiat B-t akileraaruteqaataasussaangitsut.....kr. 5.000 (ukiumut)**
- 4. Killilimmik akileraatussaataasut ilanngaataat.....kr. 1.000 (ukiumut)**
- 5. Kommuninut ataatsimut akileraarut..... 6%**

(Aningaasaqarnermut Naalackersuisoq)

Siullermeerneqarnera

2019-imi akileraarutitigut ilanngaattissat il.il. angissusilerneqarnissaannik Inatsisartut aalajangiinissaannik siunnersuut ima Partii Naleqqamiit oqaaseqarfigissavarput.

Naalackersuisut sinnerlugit Aningaasaqarnermut Naalackersuisup saqqummiussaa akileraarutitigut ilanngaatit il.il. angissusilerneqarnissaannik siunnersuut saqqummiunneqartoq allannguuteqaratik taamaaginnarnissaannik imaqartoq Partii Naleqqamiit annerusumik oqaaseqarfiginagu tapersiinerput nalunaarutigalugu Partii Naleqqamiit tusaatissatut tiguarput.

Taamatut oqareerluta Partii Naleqqamiit kaammattaattuutigerusupparput akileraartarnermut tungassuteqartut ilanngullugit Aningaasaqarnermut Naalackersuisup ilaatigut makku suliarissagai.

Naalackersuisoqatigiit isumaqatigiissuterput naapertorlugu inunnut ilanngaat pissutitut atuuttunut sanilliullugu nalilersorneqartuartariaqartoq tunaartaralugu Partii Naleqqamiit kaammaattutigissavarput maanga nunamut naleqquttumik aammalu maani nunatsinni inuinit naleqquttumik aqqqissuusi-soqassasoq.

Tamatumunnga ilanngullugu makku ilaatigut kaamaattuutiginiarpagut:

Saniatigut isertitat akileraarutitaqanngitsut qummut killissarisata qaffassarneqarnissaata aqutissiuunneqarnissaa sulissutigeqqarput, taamaaliornikkut utoqqaat ilaalu ilanngullugit allatigullu inissisimalersartut periarfissaqarnerulernissaat aqutissiuunneqassammata.

Inuiaqatigiit sumiiffinni assigiinngitsuni aningaasaqarniarnikkut nikingassutaat nalilersoqqissaarne-qassasoq, taamaaliornikut anguneqarsinnaaqullugu aningaasarsiornikkut naligiinnerunissaq inuiaqatigiit kommunillu akornanni, taamatullu nammaqatigiinnerunissaq taamaaliornikkut qulakkeerneqassalluni.

Nunatsinni innuttaasut aningaasarsiornikkut aporfissarisinnaasai annikillarsartariaqarput, taamaatumik innuttaasut aningaasarsiornissaanut iluaqutaanerpaamik angusaqarfiusarnissaanut suliniuteqarfiginissaat siunertaralugu ingerlatsinissamut aqutissiuuisariaqarpugut.



IIA 2018/17
Nuuk 24. maj 2018
Jens NapātōK´ Partii Naleraq

Ingerlatsinermut aningaasartuutitut erniatigut allatigullu nalikilliliisarnerit tamakkiisumik naleqquttumillu ilanngeteqartarneq ilanngullugu atuutilersussamik naleqqussasoqartariaqarpoq.

Naalackersuisooqatigiit isumaqatigiissutitta saniatigut Partii Naleqqamiit makku pingaartillugit taarusuppagut.

Snescooterinut ATV-llu firehjulit akitsuutaat peerneqartariaqartoq Partii naleqqamiit isumaqarpugut, taarsiullugu isumaqarpugut biilit innaallagissatortut akitsuuserneqartariaqartut biilinet allatuulli naapertuuttumik.

Taamatullu Partii Naleqqamiit isumaqarpugut qaleralinnut akitsuut 5 %-i peerneqartariaqartoq.

Aammattaaq Nunatta nammineq isertittagaat qaffakkiartorneri ilutigalugit nioqutissat ilaatigut akitsuusersorneqarsimanagerat ilaatigut pisisartunut innarliisimaleriartuinnartut annikilliarternissaat sulissutigisariaqarpoq.

Partii Naleqqamiit qilanaaraarputtaaq Naalackersuisooqatigiinni isumaqatigiissuterput naapertorlugu utoqqalinersiutillit utoqqalinersiutiminnik ilanngaaffigineqaratik sulineremmikkut isertitaqarsinnaaner-
rat aaqqiivigineqassamat 2019-imiit aallartittumik.

Partii Naleqqamiit ilanngullugu kaammattuutigaarput suliniutigineqassasoq siusinaartumik sulisinnaajunnaarnersiutillit isertitaminnik ilaangaaffigineqartarnerat aaqqiiffigineqassasoq. Inuimmi sulineratigut saniatigullu isertaqarsinnaanerit inuit unittuunginnissaanik aqutissiuinnarani aamma inuiaqatigiinni isertitaqartarnermikkut iluaqutaasarnerat aqutissiuuttussaagatigu taamaaliornikut.

Nunatsinni suliffiuteqarnissaq aammalu suliffinnik aallartitsinissaq kajungernartuusariaqarpoq, taammattumillu suliffeqarfinnut namminersortunut akileraarut appartinneqarnissaa aqutissiuullugu sulissutigisariaqarpoq.

Partii Naleqqamiit taamatut oqaaseqarluta siunnersuut tusaatissatut tiguarput, suliakkiissutitullu innersuussagut nalilersuiffigineqareerlutik saqqummiunneqarnissaat qilanaaralutigu

Jens NapātōK´